

OKVIRNI SPORAZUM
za nabavku goriva za službena motorna vozila
Ustavnog suda Bosne i Hercegovine

Zaključen između:

1. Ustavni sud Bosne i Hercegovine, ul. Reisa Džemaludina Čauševića broj 6/III Sarajevo, koga zastupa Mirsad Ćeman, predsjednik Ustavnog suda Bosne i Hercegovine (u daljem tekstu: **Naručilac**),

i

2. HOLDINA d.o.o. Sarajevo, ul. Azize Šaćirbegović 4b, Sarajevo, ID broj 4200068200001, koga zastupa Marijana Rajić, direktor (u daljem tekstu: **Isporučilac**).

Član 1.

Predmet ovog okvirnog sporazuma je nabavka i sukcesivna isporuka goriva za službena motorna vozila Naručioca po uslovima iz tenderske dokumentacije broj SU-08-588-4/26, po ponudi Isporučioca broj 012/40005515/16-07-26/403 od 16. jula 2026. godine i rezultatima održane e-aukcije.

Član 2.

Okvirni sporazum se zaključuje sa procijenjenom vrijednosti u iznosu do 25.000,00 KM bez uključenog PDV-a, odnosno 29.250,00 KM sa uključenim PDV-om odnosno do procijenjene količine od 6.000 litara.

Ugovorena jedinična cijena goriva iz člana 1. ovog okvirnog sporazuma, ustanovljena nakon održane e-aukcije, iznosi 2,4699 KM bez PDV-a, što za procijenjenu količinu od 6.000 litara iznosi 14.819,99 KM bez PDV-a odnosno 17.339,39 KM sa PDV-om. U cijenu je uračunat popust od 2,76% koji je odobren ponudom odnosno postignut na e-aukciji.

U skladu sa tenderskom dokumentacijom broj SU-08-588-4/26 utvrđuje se promjenjiva cijena, te će Naručilac prihvatiti promjene cijena ukoliko je na tržištu došlo do stvarne promjene cijena ili promjena vezanih za zakonske propise. Za svaku promjenu cijena Isporučilac je dužan dostaviti Obavijest o promjeni cijena (OPC) dizel goriva – važeći na dan nabavke robe.

Popust od 2,76% koji je odobren ponudom odnosno postignut na e-aukciji, mora biti posebno izražen na svakoj fakturi i isti će biti nepromjenjiv tokom trajanja okvirnog sporazuma.

Član 3.

Isporučilac se obavezuje da sukcesivno i kontinuirano isporučuje robu Naručiocu u traženim količinama, kvalitete koja je u skladu standardima propisanim na nivou države, po pojedinačnim zahtjevima Naručioca, na pumpnoj stanici u Sarajevu ulica Hamdije Čemerlića bb i svim ostalim pumpnim stanicama navedenim u ponudi Isporučioca iz člana 1. ovog okvirnog sporazuma.

Naručilac se ne obavezuje na nabavku utvrđenih količina u cijelosti. Stvarna realizacija zavisi od potreba Naručioca i raspoloživih finansijskih sredstava, ali ne može preći utvrđene okvirne količine. Stvarna nabavljena količina na osnovu zaključenog okvirnog sporazuma može biti jednaka ili manja od predviđene okvirne količine.

Član 4.

Isporučilac se obavezuje da robu fakturiše jednom mjesečno, na osnovu otpremnih dokumenata (otpremnica i sl.) potvrđenih od strane Naručioca da je robu preuzeo.

Naručilac se obavezuje da će odmah, a najkasnije u roku od 30 dana po prijemu zbirne fakture i važećeg OPC obrasca (ukoliko je došlo do promjene cijena na tržištu) bez primjedbi, fakturu proslijediti na plaćanje Ministarstvu finansija i trezora BiH.

Isporučilac je saglasan da Naručiocu neće zaračunavati kamate za kašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 5.

Ovaj okvirni sporazum zaključuje se na period od 12 mjeseci odnosno do iznosa procjenjene vrijednosti ili procjenjene količine navedenih u članu 2. ovog okvirnog sporazuma.

Svaka od ugovornih strana može otkazati ovaj okvirni sporazum pismenim putem, uz otkazni rok od 30 (trideset) dana. Početak otkaznog roka počinje teći od prvog dana idućeg mjeseca u odnosu na mjesec u kome je okvirni sporazum otkazan.

Član 6.

Na odnose između ugovornih strana koji nisu uređeni ovim okvirnim sporazumom primjenjuju se odredbe Zakona o obligacionim odnosima u BiH.


Član 7.

Sve eventualne sporove nastale pri realizaciji ovog okvirnog sporazuma ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je Sud Bosne i Hercegovine u Sarajevu.


Član 8.

Ovaj okvirni sporazum je sačinjen u 4 (četiri) istovjetna primjerka, od kojih obje ugovorne strane zadržavaju po 2 (dva) primjerka.

ZA ISPORUČIOCA:


Marijana Rajić

Direktor



ZA NARUČIOCA:



Broj: 1131873

Broj: SU-08-588-12/26

SARAJEVO, 01. 08. 2026.

Sarajevo, 25. avgusta 2026. godine

Olivija Hadžiomerović


Izvršni direktor

